

**PM sambut hari jadi ke-63 bersama keluarga, rakan
Astro Awani
Julai 24, 2016**

KUALA LUMPUR: Perdana Menteri Datuk Seri Najib Tun Razak malam tadi menyambut hari jadinya yang ke-63 dengan menganjurkan majlis sederhana yang dihadiri keluarga dan rakan.

Melalui laman Facebook beliau, Datuk Seri Najib memuat naik beberapa gambar sekitar sambutan hari jadinya di Seri Perdana bernotakan penghargaan kepada sahabat handai yang bersama meraikannya.

"Syukur pada malam tadi, ramai rakan-rakan jauh dan dekat hadir bersama menyambut hari lahir saya yang ke-63 dengan solat berjemaah dan mengimarahkan majlis agama di Seri Perdana.

"Kehadiran anda semua amat saya hargai. Terima kasih," kata beliau.

Turut hadir Timbalan Perdana Menteri Datuk Seri Dr Ahmad Zahid Hamidi.

Najib yang dilahirkan pada 23 Julai 1953 di Kuala Lipis, Pahang adalah anak sulung kepada Perdana Menteri kedua negara, Tun Abdul Razak Hussein.

Tag: [Perdana Menteri](#), [Datuk Seri Najib Tun Razak](#), [hari jadi](#), [Seri Perdana](#)

© 2016 Astro Awani Network Sdn. Bhd. (535275-D) All Rights Reserved.

Source: <http://www.astroawani.com/berita-malaysia/pm-sambut-hari-jadi-ke-63-bersama-keluarga-rakan-111936>